

Friûl di Jevât

PAR CURE DA LA SOCIETÂT FILOLOGJICHE FURLANE

Vie Ascoli, 1, Guriza - tel./fax 0481533849 - gorizia@filologicafriulana.it - www.filologicafriulana.it



LA GLESEUTE DE LAURETANE DI VIARSA
INTUNE OPARE DI DARIO DELPIN.

Manifestazions a Romans par ricuardâ
il poete e intelectuâl di Viarsa

Memoreant Celso Macor tal centenari dala nassite

Celso Macor al torne a Romans. Tal centenari da la nassite dal poete, intelectuâl e giornalist nassut a Viarsa tal 1925, il Comun di Romans e la Societât Filologjiche Furlane a àn metût adun une schirie di iniziativis intal Centri culturâl di Cjasa Candussi Pasiani. Si tache vinars ai 14 di Març, a lis 6 e mieze sot sere, cu la scree da la mostre "I versi di Celso Macor nelle opere di Dario Delpin". Par realizâ lis oparis metudis in mostre ,Delpin al à cjakât ispirazion da lis poesiis di Macor: o podin viodi lis incisions racuelts intes cartelis grafichis "Viarsa" (1987), "Aghis" (1991) e "Mistirs" (1995) publicadis dal Circul Ricreatif Sportif Filodramatic di Viarsa e dal circul ACLI di Romans; cun di plui, a son in mostre anje lis oparis realizadis di resint pe gnove edizion da la racuelte di poesiis "Impiâ peraulis", publicade da la Societât Filologjiche Furlane tal 2024. La mostre e je insiorade cun panei li che a son ripuartâts in cuatri lenghis - talian, furlan, todesc e sloven - i viers da lis poesiis di Macor, viers plens di

significât, che si puedin anje scoltâ da la vòs dal atôr Giorgio Monte. Al vignarà anje presentât il catalic da la mostre, cu la introduzion di Ferruccio Tassin che nus fâs cognossi miôr lis figuris di Macor e di Delpin cun notis biografichis e artistichis. La mostre e restarà vierte fin ai 27 di Avrîl cun chescj oraris: lunis da lis 17.30 a lis 19.30, martars, miercus e viars da lis 15.00 a lis 18.00, joibe da lis 10.00 a lis 12.00. A son in program anje viertiduris straordenaris de sabide e di domenie. Dopo di Romans, la mostre si podarà viodile intes sedis de Societât Filologjiche di Udin, Palaç Mantica, pe "Setemane de culture furlane" tal mês di Mai e dopo a Guriza, in Cjasa Ascoli. Sabide ai 15 di Març a lis 9 mancul un cuart di sere, simpri inte sale conferencis di Cjasa Candussi Pasiani, l'atôr Giorgio Monte al presentarà "I miei poets", leture teatrâl di une selezion da lis oparis di Celso Macor, Renato Iacumin, Leonardo Zanier, Pierluigi Cappello e Federico Tavan, compagnade da la armoniche di Gianni Fassetta. Il


recital al sarà presentât intai paîs di ducj i poetis: a Aquileia par ricuardâ Renato Iacumin, vinars ai 21 di Març a lis 9 mancul un cuart di sere inte sale consiliâr dal Municipi; a Comelians par rindi onôr a Leonardo Zanier, vinars ai 9 di Mai inte Sale Alpine; a Tresesin, tal cjistiel, sabide ai 17 di Mai memoreant Pierluigi Cappello. Par finî, sabide ai 7 di Novembar si larà a Andreis, il paîs di Federico Tavan. A Romans, joibe ai 10 di Avrîl a lis 6 sot sere Ivan Portelli al presentarà la gnove edizion da la racuelte "Impiâ peraulis" di Celso Macor, in presince dal curadôr Gabriele Zanello, cun leturis di Giorgio Monte. Rispiet a la prime edizion, publicade tal 1980 simpri da la Filologjiche, cheste gnove publicacion e ripuare lis poesiis di Macor anje par todesc, voltadis di Renate Lunzer, e par sloven, voltadis di David Bandelij. La opare e je insiorade cuntun volum che al racuei, simpri in version cuadrelengâl, doi saçs critics: "Celso Macor e il popul sloven" di Gabriele Zanello e "Celso Macor e il mont todesc" di Renate Lunzer.

Feste de Patrie dal Friûl Une biele schirie di iniziativis a Guriza

A son pardabon tantis lis manifestazions in program pe "Feste de Patrie dal Friûl" a Guriza; tal an da la Capitâl europeane de culture, il Comun di Guriza e la Societât Filologjiche Furlane a àn metût adun un calendari une vore siôr, pai mês di Març e di Avrîl. Lis iniziativis a nassin in colaborazion anje cu la Biblioteche Statâl Isuntine, cul Istitût di Storie Sociâl e Religjose, cu la Associazion "Cervignano Nostra", cu la Clape di Culture "Patrie dal Friûl" e cun USCI Guriza.

Si tache miercus ai 26 di Març a lis 6 sot sere in Cjasa Ascoli (vie Ascoli 1) cu la presentazion dal libri "Cyclonugae. Sui pedali tra le pagine del Friuli" di Alberto Pavan, che al presente une schirie di itineraris in biciclete, turistics e naratâfs, che a rivuardin il teritori e la leterature dal Friûl. Lunis ai 31 di Març, simpri a lis 8 sot sere in Cjasa Ascoli, Ferruccio Tassin al presentarà "Le radici di un Nobel" di Adriana Miceu, su la vite e la

fortune di Carlo Rubbia, cun descrizioni da la Basse furlane e da la Nize austriache da la prime metât dal Nûfcent. Al prin di Avrîl, a lis 6 sot sere inte Biblioteche pubbliche dal Seminari Teologjic Central di Guriza (vie dal Seminari 7), Lucia Pillon e Ivan Portelli a presentaran "L'Archivio del Capitolo metropolitano di Gorizia", une risorse fondamentâl pe cognossince da la storie dal Gurizan. Ancjemò, joibe ai 3 di Avrîl a lis 6 sot sere in Cjasa Ascoli e vignarà presentade la gnove edizion di "Fûc su Gurize" di Gianni Nazzi, cuntun saç di Ferruccio Tassin. Apontament invezit par lunis ai 7 di Avrîl, simpri a lis 6 sot sere in Cjasa Ascoli, cul libri pai fruts "Giandomenico sogna" cui tescj di Giovanna Zordan e i dissens di Barbara Jelenkovich, su la vite e lis oparis dai pitôrs Zaunbatiste e Zuandomen Tiepolo a Udin. Martars ai 8 di Avrîl a lis 6 sot sere inte Biblioteche pubbliche dal



CJASA ASCOLI (FOTO SCLAUZERO)

Seminari Teologjic Central Andrea Tilatti al fevelerà di "Aquileia & Friuli. Storiografia". Lunis ai 14 di Avrîl, in Cjasa Ascoli a lis 6 sot sere, si fevelerà di "Teche Friulane", il sít che al cjape dentri un grant patrimoni documentari e bibliografic di volums, articui, fotografiis, filmâts e stampis, cun chê di prudelâ la identitât furlane e fâ cognossi la storie e la culture di chenti: in cheste ocasion al vignarà presentât il proget di valorazion da la leterature dal Gurizan. Par finî, domenie ai 27 di Avrîl a lis 6 e mieze sot sere inte glesie dal Sacri Cûr e vignarà eseguide la "Messe eucaristiche" di Gabriele Saro.

Agjende

■ Memorie Cungjò, Bruno!

Anje la Filologjiche e à volût ricuardâ Bruno Pizzul, che nus à lassâts ai 5 di Març.

L'innomenât gjornalist di Cormons al à vût colaborât anje cu la nestre Societât, in particolar tal 1994 cuant che lu intervistâ il prof. Eraldo Sgubin pe riviste "Sot la Nape" e tal 2012, cuant che al scrivâ la presentazion dal "Strolîc furlan". Simpri sul Strolîc, cualchi an indaûr lu vin nomenât tant che un dai "simbui dal Friûl". Tal Otubar dal 2020 al à partecipât al ricuart di Enzo Bearzot tai dîs agns da la muart inte suaze da la "Setemane de culture furlane", insiemit cun Franco Causio, Dino Zoff e Enio De Corte. Cungjò, Bruno!

